

學道須憑識見高，遇魔不退轉堅牢。若能悟得無生滅，免向人間更一遭。

濰陽住時有清逸，庵數與閑上尋閑。三十年後領眾興緣，至今七十卻返本矣。

昔在濰陽三十年，今年七十罷玄談。靜中記得真閑處，卻似當初清逸庵。

道人劉志希獻雕木七真小像

一點靈光用處真，精窮眾妙自通神。還能更悟元初妙，刻出從來無相身。

五華山道院

道藏輯要

葆光集

三

胃集十

五華真本是林泉，萬木崢嶸接水源。試問往來遊歷者，山庵幾處得周全。

又

五華見者盡開顏，平路行來便是山。道院清幽仙境界，林泉靜處勝人間。

又

玉蓮池上玉蓮亭，對水臨山眼界清。走遍人間歸計晚，五華堪可寄餘齡。

遊五華五絕答王子正

從師應詔起濰萊，教在燕山次第開。昔日鍊丹修養處，今朝閑